

VENDIM

Nr.1149, datë 25.11.2009

PËR SHTYPJEN DHE SHPËRNDARJEN E DOKUMENTACIONIT TATIMOR

Në mbështetje të nenit 100 të Kushtetutës dhe të pikës 2 të nenit 52 të ligjit nr.9920, datë 19.5.2008 “Për procedurat tatimore në Republikën e Shqipërisë”, të ndryshuar, me propozimin e Ministrit të Financave, Këshilli i Ministrave

VENDOSI:

1. Shtypja e dokumentacionit tatimor realizohet nga “Shtypshkronja e letrave me vlerë” sh.a., me kapital tërësisht shtetëror, në varësi të Ministrisë së Financave.
2. Shpërndarja e dokumentacionit tatimor bëhet nga administrata tatimore qendrore.
3. Prodhimi i dokumentacionit tatimor do të bëhet me porosi të Drejtorit të Përgjithshëm të Tatimeve.
4. Dokumentacion tatimor, në kuptim të këtij vendimi, do të vlerësohen faturat tatimore me TVSH, faturat e thjeshta tatimore, dëftesat tatimore, faturat e shoqërimit dhe çdo dokument tjetër tatimor, miratuar, përkatësisht, nga Ministri i Financave apo drejtori i Përgjithshëm i Tatimeve për dokumentimin e veprimtarisë tregtare të tatimpaguesit.
5. “Shtypshkronja e letrave me vlerë” sh.a., duhet të garantojë prodhimin e dokumentacionit të kërkuar në kushtet, sasinë dhe cilësinë e kërkuar nga porositësi.
6. Format, informacioni apo standardet e sigurisë së çdo dokumenti tatimor, që do të prodhohet, të miratohen, përkatësisht, nga Ministri i Financave apo Drejtori i Përgjithshëm i Tatimeve.
7. Procedurat, afatet dhe çështjet e tjera, që lidhen me prodhimin e dokumentacionit tatimor, në zbatim të këtij vendimi, rregullohen me udhëzim të Ministrit të Financave.

Ky vendim hyn në fuqi pas botimit në Fletoren Zyrtare.

KRYEMINISTRI

Sali Berisha

Botuar ne Fletoren Zyrtare Nr. 182, dt. 24.12.2009